

針灸家王道平祖傳

經驗良方



王道平君祖傳經驗秘方序


今年秋，針灸家王道平君抱愛國敬軍之熱熱忱，不辭艱險，由台灣前來馬祖，為我軍民義診，時閱三月，遍及各島，櫛風沐雨備賞心勞，仁心仁術，軍民同惠者不勝枚舉，蓋王君得先人衣鉢真傳，益以虛心好學，慨然義診，懸壺雖僅十數載，其經驗有足多矣，凡藥石無功，中西醫棘手之疑難痼疾，鮮有不針到病除而奏其效者，誠如靈樞所謂營衛氣血之道路，臟腑經脈之貫通，皆藉其針而開導之也，其珍藏祖傳經驗秘方五十餘劑試服數劑誠與針灸同其功能，亦莫不令人有口皆碑，恐求之弗得，而王君本濟世活人之旨，毅然樂予公諸於世，豈若私其所獨得，神其技矣傲物，懷其寶矣待價者，所可同日而語，然則世醫如王君者，不徒稱其術，且可稱其德也，值秘方付梓之際爰綴數語以為介，並致謝焉。

何俊

四十六年十月序於馬祖

惠 我 同 袍

尹 俊



王道平祖傳經驗秘方目錄

- (一)治胃症
- (二)治高血壓
- (三)治痔瘡
- (四)治夜尿
- (五)治風濕性關節炎
- (六)救濟丹 解穢消暑
- (七)回生丹 中風不語
- (八)換骨丹 預防中風
- (九)腦膜炎之療法
- (十)王氏咳喘膏
- (十一)跌打萬應散 附堤子散
- (十二)跌打萬金丸 治未破者
- (十三)跌打散 治皮破血流者
- (十四)錫類散 喉症亂蛾
- (十五)捷妙丹 雙單喉蛾
- (十六)各類喉症嗽方
- (十七)呂雪丹 孕婦喉症已破者
- (十八)真功丹 孕婦喉症未破者
- (十九)紅白痢水瀉方
- (二十)戒烟方

(二一)神仙膏婦女百病

(二二)保胎安胎方

(二三)沆瀣丹小兒胎毒熱病等

(二四)清暑固陰湯小兒受暑泄瀉

(二五)王氏四種靈藥

(甲)王氏靈丹霍亂吐瀉

(乙)立效飲赤白痢疾

(丙)神應丹逆產催生

(丁)天全散小兒驚風

(二六)一切臃脹方

(二七)治湯火傷

(二八)七針丹眼疾二方

(二九)千金散帶下產後流血不止

(三十)暑天生癰

(三一)粉紅散小兒口瘡

(三二)奪命丹胎衣不下

(三三)造化調經散產後肢腫

(三四)奪魂散產後腫喘

(三五)血竭散產後免病

(三六)草還丹補中健脾

(三七)木賊散疝氣

(三八)瘋狗咬方

(三九)五味子散五更溏瀉

(四十)三仙丹疹痘內閉

(四一)小兒喝症丹暑天中熱

(四二)骨梗喉中

(四三)小兒初生二便不通

(四四)橄欖散羊癇瘋

(四五)洗痛方跌打損傷

(四六)辟瘟丹

(四七)吊腳痧神方

(四八)小兒解顱煎頭大面小

(四九)保胎丸

(五十)露顴膏小兒[疔昔]疹


(五一)靈寶如意丹治百病

(五二)玉樞丹治百病

(五三)大士膏貼百病

(五四)截瘡方

(五五)清魂散產後氣血上冲



(一)治胃症

胆草八錢

肉叩二錢

重曹四錢

乾姜二

木香八錢

丁香一錢

砂仁二錢

薄荷腦少許

磨粉調勻。每日三次。每次二錢。空心用開水服下吃完即愈。



(二)治高血壓

用 明 礬

每日早晨。空心開水服用如黃豆大小之一粒。連服十天。如仍未降低。改用芹菜蕃茄兩種洗淨搗粹用紗布包扭出漿飲之。每日可量血壓。適可而止。



(三)治痔瘡

毛硝。大黃。五貝子。枯礬。共買新台幣十元。用盆合水煎開。燻患部三四分鐘後。用藥棉花沾此水洗滌之。輕者一次見效。重者二次即可。內外痔均有奇效。



(四)治夜尿

淮山藥。苟杞子。各買新台幣一元。燒鮮豬肉四兩。連湯帶藥一併下飯吃下。一二次即愈。



(五)治風濕性關節炎

杜仲。鱉甲。各半斤。磨粉調勻。每日兩次。每次一錢。用酒服下。飯前後均可。服好即止。如不能飲酒時。用水亦可。惟效力較慢。



(六)救濟丹 又名寶丹

梔子 叁錢

藿香 叁錢

川連 叁錢

木瓜 貳錢


薄荷 叁錢

硃砂 肆錢

右藥忌炒。曬乾細研。再加薄荷冰、冰片、各肆錢。共研極細。四季用加甘草叁錢。夏季不用甘草。

此藥主治頭暈、頭痛。惡心欲吐。心中煩悶。等症。且能消暑、逐穢。及避一切四時不正之氣。

用法。鼻聞。內服、皆可。與市售之小錫盒寶丹、萬靈丹、同一功效。



(七)回生丹 又名神仙活命丹

專治中風不語。半身不遂。肢節頑麻。痰涎上湧。咽溢不利。飲食不下。牙關緊閉。及一切酒毒、藥毒。緊急霍亂。中暑。等等急症。用藥一分。開水送下。如不張口。撬開牙齒灌下。立即起死回生。誠至寶也。

貫眾

甜硝各壹錢

生犀角

肉桂

甘草

川軍兩半

薄荷各伍錢

青黛各叁錢

板藍根

牛黃研

硃砂肆錢

龍腦貳錢 研

干葛

珠子粉


射香研

金箔叁拾片

共研極細。收貯瓶內。封口。不可洩氣。

一解百毒。新汲水下。

一汗後熱勞病。及小兒驚風熱症。用薄荷湯下。



(八)換骨丹 預防中風

此丹專防遺傳中風。或體肥痰多年高之人。恐患中風者。連服兩料。終身不染中風。惟宜同時多修兩料。一半自服。一半送人。利人利己。德莫大焉。

麻黃煎膏

思仙米

槐角子用子

桑皮另研末

川芎

白芷

威靈仙

野參

防風

首烏

蔓荊子各壹兩

苦參

五味

木香各五錢

射香壹分研

冰片叁分


共研極細。用麻黃膏和勻。杵搗一萬五千下。硃砂少許為衣。每丸五分。每月初二日。十二日。廿二日。臨臥時用黃酒、或童便、或開水、送下一丸。



(九)腦膜炎之療法

(1/2)

查腦膜炎一症。即中醫謂之癎病之一種也。係督脈或膀胱經受邪。隨經升至頭部。日久醞釀。以致腦膜發炎。甚則成瘡。西醫雖知病之所來。在背脊骨節。施以藥水注射。但病無出路。故多不效。此症有緩急二種。緩者、能延至十日八日。急者、猝然仆倒。不省人事，數小時不救。至於症之現象。初起頭痛。胸中煩悶。頸項強急。兩眼上吊。項後筋緊縮。頭往後仰。雖勉強用力低首。下頷不能及胸。繼則角弓反張。神智昏迷。誠險症也。法用皂礬煅煉存性。研為細末。過篩。病人左邊頭痛。用礬末些許吹入右鼻孔。右邊頭痛吹入左鼻孔。如頭部左右皆痛。吹入兩鼻孔。兩三分鐘後。鼻流血水。或瘀黑血塊。頭目即覺清醒。腦中便亦爽快。即再以礬末吹入鼻孔。血水下盡。即愈。



(九)腦膜炎之療法

(2/2)

按皂礬性質。酸涼無毒。為化痰解毒之品。治血分之瘀積。其效最捷。曾將此藥寄往德國某醫。經其化驗。復函極為讚許。蓋病是腦膜發炎。治以解熱毒。化血瘀、之品。引病由鼻竅而出。實妙法也。此方已治愈多人。萬勿以方之簡單、價廉、而輕忽之。

皂礬。即老法染元青色用之綠礬。又名黑礬。其色綠。煅煉之時。檢其結晶。去其沙石。用瓦器盛之。在木炭火上煅煉。初則化成流質。待乾。其色變赤。研細過篩。在干淨土地上放一夜。。以去火氣、收貯磁瓶。備用。



(十)王氏咳喘膏

川烏陸錢

官桂捌錢

當歸陸錢

白芷捌錢

木鱉子捌錢

白芨陸錢

連翹捌錢

茯苓陸錢

赤芍捌錢

草烏陸錢

白薇捌錢

牙皂伍錢

烏藥陸錢

桃枝伍錢

桑枝伍錢

柳枝伍錢

槐枝伍錢

右藥同麻油叁斤。浸藥一夜。熬焦去渣。入飛黃丹壹斤(如麥色)急以柳桃棍二根。攪至滴水成珠。入乳香、沒藥末、各四錢。收膏。

此膏專治多年咳嗽氣喘。按法貼之。去病除根。

膏藥貼於背脊骨。由上往下數。第三骨節。

入伏之日起。用膏藥一貼。貼滿三伏。再於冬至之日起。用膏藥一貼。貼盡九九。多年咳喘。除根不發。



(十一)跌打萬應散 附堤子回生散

射香壹錢貳分	血竭壹錢貳分	紅花肆錢	冰片壹錢貳分
乳香壹錢貳分	去油	沒藥壹錢貳分	去油
辰砂壹錢貳分	飛	耳茶壹錢肆分	歸身壹錢

共研極細末。磁瓶收好。不可洩氣。

一跌打傷筋折骨。血流不止。速用此散敷傷口。再用黃酒送下此散一分。立時止痛。

一如骨斷。除傷口敷藥外。再於傷口上下一尺以內。有骨節處。用藥少許揉擦。其斷骨自響自接。

一凡被槍子擊傷。將此藥敷於彈口。內服提子回生散。彈子自出。



堤子回生散

土鱉壹錢 去頭足半夏炒
血竭 礞砂
歸身壹錢貳分

乳香去油 沒藥去油
骨碎補各壹錢 去毛

共研極細末。收入磁瓶內。一服八釐。黃酒童便送下。



(十二)跌打萬金丸 治肉皮未破者

乳香

地龍

血竭

馬前子各壹兩

蘇木

無名異

生軍

沒藥

當歸

硼砂

自然銅

土鱉各貳兩

碎補

共為細末。煉蜜為丸。每服壹錢。黃酒或淡醋湯下。

一凡跌打損傷。疼痛不止。肉皮不破者。無論筋斷骨折。皆可服之。每六小時一服。連服三服。斷筋折骨。自然接連。

一服藥者須戒房事三年。

一肉皮破者。不可服。




(十三)跌打散

專治皮破血流。傷筋未傷骨者。滲於傷口。止血止疼。

多年老石灰壹斤 萆菜汁浸透、晾乾、
松香陸兩 熬溶浸於涼水內、一晝夜、去火毒、
沒藥貳兩 去油

血竭肆兩
乳香貳兩 去油

共研極細末。磁瓶收好。



(十四)錫類散

專治天行喉症。無論任何危險。連吹三次。無不神效。並治乳蛾、牙疳、口舌腐爛、等症。惟藥品珍貴。價值較昂。有力之人。修配多料。無力者。集多人合配一料。或半料。或四分之一。再或抄錄此方送人。功德無量。古今修配此藥。或抄送此方以救人者。求嗣却病。無不如響是應。事紀甚多。不勝錄載。

西牛黃壹錢伍分

真冰片玖分

珍珠玖錢 製

象牙屑玖錢 焙

青黛壹兩捌錢

飛淨去淨灰腳

壁錢陸拾個 俗名喜兒巢、土壁磚牆上者可用、木板上者不用、

人指甲壹錢伍分 男病用女女病用男、須分別配合、

共研極細粉。吹患處。流出惡涎。立愈。

分別男用女用。分裝磁瓶。勿使洩氣。



(十五)捷妙丹

治雙單蛾神效。用錢不多。活人無算。

牙皂角壹兩 切碎

絲瓜子壹兩貳錢

二味。用新瓦文火炙乾。研極細末。加冰片伍分。共研細。收貯磁瓶。同時吹入病人鼻中。取嚏一二次。喉蛾即消。左邊患蛾。用藥少許吹入右鼻孔。右邊患蛾。吹入左邊孔。雙蛾。左右並吹。



(十六)各類喉症嗽方

赤芍壹兩

荊芥穗伍錢

細辛伍錢

草烏壹兩

柴胡叁錢

紫荊皮壹兩

桔梗伍錢

赤小豆陸錢

皂角伍錢

甘草伍錢

連翹伍錢

生地伍錢

右藥不宜見火。曬乾。研極細末。收入磁瓶。用時冷水調漱。
神效。不可嚥下。



(十七) 呂雪丹

專治孕婦。咽喉破爛。疼痛。

冰片陸釐 硼砂壹錢

右藥二味。用羅卜一個。同煮熟。入冷水內一夜。水底沉結如冰者佳。取出。加青黛壹分。研極細。收瓶內。用時吹患處。

按孕婦喉症。危險萬分。因其用藥諸多禁忌。故須預為配藥備用。凡咽喉破爛者。宜用呂雪丹。其不破不爛者。用真功丹。見下



(十八)真功丹

專治一切喉痛。孕婦患喉症未破爛者。宜用此丹。

冰片壹分

熊膽壹錢

硼砂壹錢

蘆甘石壹錢

羌活湯煨七次、去腳、曬乾用、

共研極細。吹少許。立能止痛。如毒腫者。加牙硝貳分。



(十九)紅白痢水瀉方 孕婦忌用

升麻
連翹
黃丹陸兩

蟬退
蜈蚣各壹兩
炒黑另研

大茴
麻油貳拾兩

潮腦另研

將升麻、蟬退、大茴、連翹、蜈蚣、五藥。放在麻油內浸一夜。用文武火熬枯。去渣。再熬。用柳枝攪至滴水成珠。下黃丹、潮腦。慢慢攪成膏。用時攤膏藥一張。中間放藥丸一粒。貼在臍上。俟見糖糞、即去丸藥、

附丸藥方不可內服


生半夏

巴豆去油

胡椒各壹兩

共研末。醋糊丸。如黃豆大。硃砂為衣。

患者用丸貼膏藥。俟見糖糞後。速將藥丸取去。仍將膏藥貼臍上。即愈。



(二十)戒烟方

炒杜仲肆兩

川貝母貳兩


甘草貳兩

文火煎成濃汁。加好紅糖半斤收膏。每於癮來之前。開水冲服一茶匙。照常吸煙。不可間斷。日久即能斷癮。戒時毫無痛苦。並與身體有益。誠良方也。



(二一)神仙膏孕婦忌用(1/3)

專治婦人一切雜症。血積成塊。或因氣積。或因寒積。經行不准。經行腰腹疼痛。五色帶下。癸水或多或少。遺尿失禁。經來不止。血膈癥瘕。心腹脹滿。嘔噦嘈雜。以致久不孕育。貼於患處。或貼肚臍。功效異常。病輕者、七天見效。貼後或吐、或瀉。或暈、或痛。皆是藥力行動之效驗。切勿驚疑。病重者、一月見效。不孕者、久貼能以受孕。此膏功效甚大。不可思議。諺云。有了神仙膏。醫生不用著。針也不用打。藥也不用熬。婦女貼百病。男貼五種癆。大哉神仙膏。功德與天高。



(二一)神仙膏

孕婦忌用

(2/3)

青風藤

防風

桂枝

紅花

五加皮

白芨

木香

干薑

莪朮各壹兩

硼砂

藜蘆

川牛夕

赤芍

川椒

當歸

海風藤

海藻

川蘄

生薑肆兩

[石鹵]砂各捌錢山甲

羌活

千年見

生地各貳兩

杜仲

香附

血餘

土木別

天麻

大蔥伍條

山甲

獨活

靈仙

香白芷

續斷

防己

三稜

吳茱萸

肉桂

山羊血

鱉甲各兩半



(二一)神仙膏

孕婦忌用

(3/3)

香油十斤。先將山甲、鱉甲。並桃、柳、桑、槐、榆枝、各半斤。入油熬枯去渣。再入右藥。熬枯去渣。再熬油至滴水成珠。加黃丹陸拾兩。乳香、沒藥、血結、各壹兩。阿魏貳兩。均研細加入。攪冷。放入冷水內浸七日。貼時、加射香少許。或用薑擦皮肉。

(二二)保胎安胎方

此方較肯堂所傳者稍異、似覺靈活輕妙、(1/8)

北齊名醫徐之方先生。遂月養胎保胎法
一月名胚胎。宜服烏雌鷄湯。

烏雌鷄壹隻

茯苓叁錢

阿膠叁錢

茺莢貳錢

寸冬壹錢

黨參叁錢

白芍貳錢

白朮貳錢 清

甘草壹錢

生薑叁片

右藥共鷄煮湯。去藥食之。

若曾傷一月胎者。預服此補胎湯。

北防風壹錢

乾地黃貳錢


焦白朮叁錢

吳茺莢叁錢

烏梅叁枚

生薑叁大片

右藥煎服叁劑。每日壹劑。



(二二)保胎安胎方

(2/8)

二月名始膏。少食辛燥之品。宜服艾葉湯。

艾葉壹錢

丹參壹錢

當歸壹錢

黨參壹錢半

阿膠柒分 後下

甘草伍分

大棗陸枚

水煎服

若曾損傷二月胎者。預服黃蓮湯。

川連貳分

黨參錢半

茺莢叁分

乾生地壹錢

右藥共服四劑。每日壹服、只服頭煎、

(二二)保胎安胎方

(3/8)

三月名始胎。宜服保胎雄鷄湯

雄鷄壹隻 製如食法

生薑壹兩

寸冬柒錢

甘草兩半

黨參兩半

黃芩壹兩

白芍伍錢

茯苓兩半

白朮壹兩

大棗拾貳枚 擘碎

阿膠伍錢

右藥與熟鷄再同煮。水七碗。煮至減半。去藥渣。食鷄飲湯。春夏季去黃芩。

曾傷三月胎者。預服此茯神湯。

茯神錢半

丹參壹錢

龍骨壹錢 煨

阿膠壹錢

當歸貳錢


甘草壹錢

黨參錢半

大棗叁個

赤小豆壹錢

右藥共研細末。每早晚用黃芩伍分 艾葉叁分 煎水沖泡藥末壹錢。去渣服之。



(二二)保胎安胎方

(4/8)

四月妊娠。宜服菊花湯。

菊花	寸冬去心	黨參	阿膠各壹錢
當歸錢半	大棗柒個		
水煎臨臥時服。			

若傷四月胎者。宜服調中湯。

杭白芍	焦白朮	川續斷各貳錢	川樸柒分
川芎捌分	生李根白皮壹錢		當歸錢半
甘草柒分	烏梅叁枚		
右藥三日服一劑。共服三劑			

(二二)保胎安胎方

(5/8)

五月名始受火精。宜服阿膠湯。

阿膠	當歸	寸冬各壹錢	黨參壹錢半
白芍貳錢	甘草叁分		

日服壹次。共服四日。

若曾傷五月胎者。宜服此安中湯。


黃芩	川芎	黨參	乾地黃
寸冬各壹錢	當歸貳錢	甘草伍分	白芍壹錢半

日服一劑。共服五日。

若五月內舉動驚胎。或勞力過度。覺胎不安。可服此安胎當歸湯。

當歸叁錢	阿膠壹錢炒	黨參叁錢	大棗叁個
艾葉壹錢			

水煎服。胎安止服。



(二二)保胎安胎方

(6/8)

六月妊娠。宜服寸冬湯

寸冬錢半

黨參貳錢

大棗陸個

酒芩壹錢

阿膠伍分

甘草柒分

生姜叁片

水煎服叁劑。服藥時。多服烏雌鷄湯。

若曾傷六月胎者。可預服此柴胡湯。

醋柴胡伍分

菴蓉壹錢

焦白朮貳錢

白芍貳錢

甘草伍分

寸冬壹錢

川芎柒分

大棗叁個

水煎服貳劑。則安。



(二二)保胎安胎方

(7/8)

七月以後。胎不動。可不服藥。

若曾傷七月胎者。可預服此杏仁湯

杏仁壹錢 去皮尖


甘草壹錢

紫苑伍分

寸冬壹錢

糯米半杯

用白鷄煮湯。下米藥煮為粥。可常食。約服十日。可保無虞。



(二二)保胎安胎方

(8/8)

若曾傷八月胎者。當預服此甘草湯。

甘草壹錢	當歸貳錢	焦白朮貳錢	薤白叁分
用鷄湯去淨油。煎藥。服叁劑。			

九月妊娠。宜服豬腎湯。

豬腎壹具	茯苓錢半	桑寄生壹錢	川芎伍分
乾地黃壹錢	焦白朮貳錢	寸冬壹錢	
右藥貳日壹劑。須於月內共服七劑			

(二三) 沆瀣丹

沆瀣、即北斗夜半所降之甘露也、

(2/1)

治小兒一切胎毒。胎熱。胎黃。面赤。目閉。鵝口。口瘡。重舌。木舌。喉閉。乳蛾。渾身壯熱。小便黃赤。大便閉結。麻、疹、[疔班]、癰。遊風。癰疥。流丹。癰疹。痰食。風熱。疳腮。面腫。十種火丹。諸般風搐。神效無比。為幼科有一無二之神方。

此方作三焦之主治。蓋大臟氣通流者。必不鬱滯。或受毒於胎前。或感邪於誕後。遂爾中抑鬱。則見以前諸症。

杭州芎 玖錢 酒洗

黃柏 玖錢 酒炒

飛滑石 陸錢

連翹殼 陸錢

川錦黃 玖錢 酒洗

黑牽牛 陸錢 炒取頭末


尖檳榔 柒錢半 童便洗

赤芍 陸錢 炒

黃芩 玖錢 酒洗

薄荷葉 肆錢半


陳枳殼 肆錢半 麴炒



(二三) 沆瀣丹

(2/2)

右味依法炮製。和勻焙燥。研極細。煉蜜為丸。如芡實大。月內之兒。每服壹丸。稍大者貳丸。俱用茶湯化服。乳母切忌油膩。服後微瀉。則藥力行。病即減也。如不瀉。再服之。重病者、每日叁次。以愈為度。此方斷不峻厲。幸勿疑畏。惟胎寒者面目青色忌之。方內黃芩、清上焦之熱。大黃、清中焦之熱。又有推陳致新之功。黃柏、清下焦之熱。能活血除煩。力能導三焦之火從魄門而出。猶恐苦寒凝膩。故力檳榔、枳殼、之辛散。為行氣利痰之佐使。川芎、薄荷、引頭面風熱從高而下趨。連翹、解毒除煩。赤芍、調榮活血。牽牛、利水走氣分而舒鬱。滑石、清潤而抑陽火扶陰。又能引邪熱從小便而出。用治以前諸症應如桴鼓。予生平最慎攻伐。為此方用之最久。功效莫能殫述。真濟世之良方也。



(二四)清暑固陰湯

(4/1)

近來天時不正。忽熱忽寒。小兒體弱。容易致疾。數日之間。來診小兒。誤藥者多。率皆投以苦寒。以致不起。心實傷之。在此濟市大邑。尚且如此。若鄉村之間。更為可知。茲就清暑固陰湯。加以說明。望諸君廣為宣傳。以保赤子。或配藥施送德更無量。

此方專治小兒傷暑。初起下瀉上渴。身熱。額與胸腹更甚。有時熱退。旋又發熱。心中煩躁。坐臥不安。小便短赤。糞色時黃、時黑、時紅、不定。試之烙手。口喜冷飲。關紋紅。舌苔白之症。

白扁豆叁錢 炒 茯苓貳錢
川厚樸伍分 葛根肆分

滑石錢半
木瓜壹錢

香茹伍分
薑炭貳分



(二四)清暑固陰湯

(4/2)

右藥八味。略煎數開。冷服。熱服反增腹瀉。嘔吐者、加藿香壹錢。竹茹肆分。

不嘔吐者、加甘草叁分。須慎之。

二歲_{小兒}、照本方服之。未及兩歲者、兩服分作三服。過兩歲者、三服作二服。無論體之強弱。皆照此服。大人兩服作一服。

此方絕不寒中。故體弱者、亦可服之。


按各種泄洩。初起之時。心不煩躁。惟受暑傷心。故煩。坐臥不安。以此分辨。此症非不治之症。惟不可稍延。凡病入腑者吉。入臟者凶。有胃氣生。無胃氣死。今暑邪既中心經。有干神明。胃受暑逼。復傷水谷之海。母疾及子。邪有出路。故可治。胃受暑逼而瀉。津液瀉盡。生氣奚存。況又傷神明之臟。治之不急。何能有生。更況暑月之中。陽在外而陰在



(二四)清暑固陰湯

(4/3)

內。故平人身涼則無病。只因內陰足濟外陽。若暑氣內擾。津液日泄。則中如火焚。若不速為固陰。何以圖存。陰非陰血之陰。乃手少陰心、足太陰脾也。脾屬裏。胃屬表。設由胃及脾。既傷心經。復傷脾經。故死期可以時計。方中用篇豆者。取其清暑和脾。茯苓、滲濕補脾。木瓜、利濕驅暑。又酸能瀉肝。以防侮脾。黑薑、厚樸、溫以養脾。苦以養心。且溼熱內蘊。黑姜足為諸藥嚮導。則香茹、葛根、滑石、自無扞格不入之患。兼六一散能止泄瀉而利小便。解肌熱。生津液。分之為清暑之方。合之為養脾養心之助。



(二四)清暑固陰湯

(4/4)

或曰。仲師有太陽中暍之語。後世有麻杏甘石之言。今一概不用者何也。噫。仲景先師。於太陽症。中風已去麻黃而用桂枝。豈有暑濕燥火而犯太陽者。復用麻黃之理。況香茹、本草有功同麻黃。力能祛暑之文。經驗歷歷不爽。此外如羌防一切表散。皆不可用。慎之。又云、暑必兼濕。不用木通、車前、苡仁、者何故。曰、當分輕重而言。此症暑重濕輕。不必重用利水之品。況木通兼入大腸。以通大便。小兒服此。斃者甚眾。可不慎諸。

此藥服之。十治十全。若誤服藥餌。或病日甚久。則十救一二。初起症重者。不能一服即效。而神氣必為安靜。未有三劑不收效者。此方治愈多人。無論大人小兒。患此疾。服此藥。奏效捷如影響。望諸大君子廣為宣傳。是所企禱也。溫悅堂謹書。



(二五)王氏四種靈藥

連年夏秋之季。時氣不正。染患者多寒苦之家。無力醫藥。若能預製敬送。濟人之急。德莫大焉。萬勿以價廉忽之。又孕婦產生之時。或遇難產。或因用力過早。以致橫生逆產。非預為製藥。無以保全生命。即生之後。小兒驚風。又所難免。故每年春季。預為製就靈藥四種。用款無多。活人無算。仁者必樂為之。



王氏靈丹

專治夏秋之季。各種危症或嘔吐瀉泄。霍亂轉筋。肚腹疼痛。
上白麴若干。以姜汁調和。晒乾。研細。再以木香汁調和。約
白麴肆兩 木香壹兩 晒乾。研極細。每服貳錢。開水調服。病急
涼水亦可。



立效飲

治諸般惡痢。或赤。或白。或膿血相雜。裏急後重。臍腹絞痛。或下五色。或如魚腦。日夜無度。或禁口不食。諸藥不效者。悉能治之。不問老幼、虛弱、產婦、皆可服之。

川當歸肆兩

炒甘草貳兩

赤芍藥壹兩

酸榴皮壹兩

炒地榆壹兩

嬰粟殼肆兩 炒黃

共研細末。每服貳錢。水壹杯。煎至七分。去渣。空心飯前溫服。小兒酌量大小加減服之。忌食生冷油膩。魚腥。



神應丹

專治橫生逆產。專能催生。

百草霜

香白芷各等分

共研細末。每服貳錢。童便、好醋、調勻。再用開水沖服。
只服一次。即可生產。重者二服。



天全散

專治小兒急慢驚風


天南星壹個 全蝎壹個

共研細末。每用少許。以父母津唾調成稀膏。塗於顙上。(俗稱為頭信子)移時驚止。不用再塗。否則再塗一二次。無不神驗。



(二六)一切膨脹方

秋後老西瓜一個。切去頂蓋。將中間挖空。裝入陽春砂仁肆兩。大蒜頭壹碗大去皮膜 仍將切下之蓋蓋上。用釘釘牢。塗滿黃泥。以礬糠即大米粗糠 火煨叁日。成炭。去泥。研細。每服壹錢。空心開水送下。無論何種膨症。連服叁次。無不立愈。



(二七)治湯火傷

用打瓜一個。即西瓜多子者。切碎。收於磁壩內。封口。埋於地內。愈久愈妙。如湯火傷症。塗之立能止痛而愈。




(二八)七針丹

(2/1)

專治眼疾暴發。一切昏花。誠神方也。

白菊花 青鹽 銅綠 花椒各伍分 烏梅壹個

右藥配好。研碎。用蓋碗一個。將水壹碗。拌勻藥末。取繡花針七隻。用線穿好。放在藥下。線頭露出碗外。碗蓋用紙封好。再用銅鍋隔水煎至十二小時。宜不失火後。並不將鍋蓋揭開。須時時添水其水由蓋外添入自能徐徐入鍋 針化丹成。用淨絹濾去藥渣。磁瓶裝好。放陰地壹日後可用。此丹永久不壞。不用回鍋。用時取藥少許。擦外眼眶。內眼角稍閉片時。立見神效。遇於燈下讀書寫字時。偶然眼昏。一擦便明。老花者、日日擦之。日見光明。以之除翳。尤覺神效。



(二八)七針丹

(2/2)

又七針丹又名瞽目重明

用繡花針七隻。裝入公鷄膽內。放在有風無日處叁年。取出研細。除生下時眼瞎者。無不重明。



(二九) 四千金散

專治婦人赤白帶下。或產後流血不止。因之四肢抽搐者。

百草霜壹兩

龍骨壹錢

白石脂貳錢

共為細末。空心黃酒調服貳錢。不問遠近。連服叁服。無不神驗。



(三十)暑天生癰

棗葉煎湯洗之。立愈。



(三一)粉紅散

乾胭脂壹錢 枯礬壹兩

研勻細。專治小兒紅白口瘡。聲啞。每用伍分。生蜜調如稀糊。掃於口內任其慢慢咽下。來日大便一二次。以退了瘡皮為驗。



(三二)奪命丹

附子伍錢 泡去皮臍

牡丹皮壹錢

乾漆壹分 搗碎炒烟盡

右為細末。釅醋拾兩。大黃末壹兩。熬成膏。

和藥為丸。如桐子大。溫酒下伍丸或柒丸。

專治胎衣不下。因母生兒後。血流入衣中。衣為血脹。故不得下。治之稍緩。脹滿腹中。以次上衝。心腹疼痛。喘息難治。速服此丹。逐去衣中之血。血散脹消。胎衣自下。



(三三)造化調經散

沒藥另研

細辛壹錢

琥珀另研

射香壹錢 另研


桂心

赤芍

當歸各貳錢

右為細末。每服伍分。生姜汁、黃酒、各少許。調勻服之。

此散專治產後四肢浮腫。因產後敗血乘虛停積五臟。循經流入四肢。留淫日深。不得還復。腐壞如水。致令四肢浮腫。醫者不識。往往作水氣治之。凡治水腫。多用利水之藥。極能虛人。況產後既虛。而又以藥虛之。是為重虛。多致夭枉。但服此藥。血行腫消而立愈矣。



(三四)奪魂散

生姜取汁

白麵各叁兩

清半夏柒個

右以姜汁和麵裹半夏為七餅子。炙焦熟為末。每服壺錢。開水調服。

此散專治產後虛腫喘促。服藥後小便得利為效。




(三五)血竭散

血竭 沒藥各等分

右藥輕手研細。頻篩頻研。取盡藥末為度。每服貳錢。用小童便合陳酒半碗。煎壹沸。溫調服。

注意。纔產下壹服。上床後貳小時。再服壹服。其惡血自然下行。更不上衝。免生百病。誠產後要藥良丹也。



(三六)草還丹

(2/1)

夫草還丹者。不用金石。不加燥熱。不傷五臟。只以草藥為用。全在製度之妙。得水火既濟之術。奪丹砂燒煉之功。大壯脾胃。得進飲食。且脾屬中央之土。乃五臟之主。一失調養。則五臟俱虛。百病由此而生。此藥益精髓。補腎經。固元陽。輕腰腳。安五臟。通九竅。令人耳目聰明。曾見一老人。年七十餘。常服此藥。容顏煥發。鬚髮不白。能夜書細字。此丹乃平補之良劑。衛生之妙藥也。

蒼朮肆兩。壹兩酒浸。壹兩醋浸。壹兩米泔浸。壹兩鹽水浸。各浸壹宿。

胡蘆苞壹兩酒浸壹宿

破故紙壹兩酒浸壹宿

覆盆子貳錢

茴香壹錢

川棟子壹兩

木香伍錢

淮山藥

穿山甲酥炙

地龍

茯苓

枸杞子

牛膝各三錢酒浸壹宿



(三六)草還丹

(2/2)

右晒乾為細末。無灰酒糊為丸。如梧桐子大。每服叁拾丸。
溫酒送下。或鹽湯亦可。空心服之。服後須少食乾物。食畢。
須行百步。使藥力達於週身。日服二次。
此方自前明中葉。僧人某。因窩藏強盜。邢部議死。邢部令
史王國賓。拯其死罪。出之後。僧人以此為謝。並囑此方為
西平章有之。不可亂傳。當珍秘之云耳。




(三七)木賊散

木賊不計多少。去節。光將鍋燒熱。取下。離開火。炒透。

右為細末。空心黃酒調下貳錢。

此散專治小腸疝氣。



(三八)瘋狗咬方

用核桃殼半個。將大糞填滿。以榆樹皮蓋之。掩於傷處。再用艾於核桃上。灸十四粒。即愈。永不復發。



(三九)五味子散

五味子貳兩 吳茱萸伍錢綠色者佳

右同炒香為末。每服兩錢。陳米湯下。
專治老年。五更天明溏瀉。又名腎瀉。



(四十)三仙丹

狗糞

貓糞

人糞各等分

右用陰陽瓦。炭火焙透。以鼻聞不臭為度。研細。磁瓶收貯。不可洩氣。每用一次。開水調和。加黃酒壹貳滴。服後取汗。汗出立愈。

此丹專治小兒疹痘。閉而不出。總急危險。一次可以隨汗而出。只要有氣。無不回生。北平前門外。楊梅斜街。德生堂。專賣此丹。名為聚寶丹。每服曾經賣銀五錢。遠來客商。均購買以備救人。誠善保赤之良丹也。




(四一)小兒喝症丹

喝症、即暑天中熱。又經日晒而得者。

狗屎一豆大無濕者、水煮。

專治暑天小兒吐利而死。不知何病。可速服之。一次能活。



(四二)治諸骨梗於喉中不得下

速用大碗滿水。乘涼令患者於碗內吞水滿口。一氣嚥下。諸骨隨下而愈。



(四三)小兒初生二便不通

芝蔴油伍錢 皮硝叁分

煎開冷定。徐徐服之。則通。



(四四)橄欖散羊癲瘋

橄欖一斤。連核搗爛。用砂鍋煮成稀糊。每早晚開水沖服一茶匙。

專治多年羊癲瘋症。



(四五)年大將軍洗痛方

葳靈仙伍錢

荊芥貳錢半

防風貳錢半

木香壹錢

全當歸叁錢

烏藥貳錢

木瓜叁錢

桂枝伍錢

紅花叁錢半

川續斷貳錢半

右藥用黃酒五大碗。煎滾。先熏後洗。凡跌打損傷。洗患立能止痛。屢是屢驗。




(四六)辟瘟丹

乳香 蒼朮 細辛 甘松 檀香 ？香 川芎各等分

共為細末。棗肉為丸。如芡實大。

凡遇瘟疫流行之年。以此丹壹丸。加炭火上燒之。不染瘟疫。
久空之房。燒之可以解穢。




(四七) 吊腳痧神方

(2/1)

霍亂一症。皆由寒邪鬱結。氣閉不通。而吐瀉交作。至於多利亡陰。血液枯涸。則筋脈攣節。手足拘牽。俗名吊腳痧。此症朝發夕死。夕發朝死。無論藥力不及。即重用猛烈之品。而熱劑剗陰。終於不救。此散藥雖猛烈。而由臍內納入。自能溫通臟腑。不致傷陰。屢試屢驗。識者珍之。誠可謂為濟世良丹。

溫症條辨。謂此症由寒濕而得。其驅濁陰以救中焦之真陽。方用附子、乾姜、等熱藥。傷寒論彙言。謂此症得之夏秋之間。設或見腹痛脈沉。誤作陰寒治之。一進熱物湯茶酒藥等。即刻悶亂而死。二說截然相反。余謂此症寒熱皆有之。醫者切宜審慎用藥。其治之之法。有不論寒熱皆可用者。外治則取委中穴。腿灣多用開水急拍。紅筋高起。刺之出血、即愈。



(四七) 吊腳痧神方

(2/2)

內治則用馬糞愈久愈妙瓦上焙乾。研末。開水冲服壹貳錢。不知再服。或加黃土、淡黃酒、少許服之。二方皆載溫病條辨。實良方也。今有神效方更妙。諸善士可預備之。以拯人命。按馬糞。並治霍亂吐瀉。余曾療治多人。

上桂心捌錢去皮

母丁香壹兩貳錢

倭硫磺伍錢

生香附壹兩捌錢

當門子肆錢

右藥共研細末。每用叁分。納入臍眼內。外用煖臍膏封貼一時即愈。

藥性猛烈。萬不可服。孕婦忌用。

按陸定圃傳方。桂心壹兩。丁香壹兩。硫磺叁兩伍錢。香附壹兩。當門子伍錢。直奉戰後。曾經配用。所活無算。



(四八)小兒解顱煎

即頭大面小

龜板 生地黃

右藥。按兒大小酌用。如一年內者。龜板伍分。地黃壹錢。每日按早午夜飯後。三次煎服。年大者照加。此症不治。總至十五六歲。亦必殞命。



(四九)保胎丸

杜仲捌兩 黏米湯拌蒸。晒乾。

淮山藥陸兩 炒研另留粉貳兩。打糊為丸。

川斷肆兩 鹽水炒 當歸身貳兩 酒炒。

共研。淮山藥糊為丸。由三個月有胎起。每三日開水送服四錢。至七八月止。可保無墜胎之虞。



(五十)露顴膏

酒釐頭泥 莞荑子

小兒[疔昔]疹。最忌露。凡兩顴不發者。用此二味。黃酒調為稀膏。塗於兩顴。自能發出。俟發出。即去之。極效。



(五一)靈寶如意丹

(3/1)

夫天地之厲氣。即四時不正之氣也。或春夏應暖熱而反寒。或秋冬應寒涼而反熱。發為厲氣。中人即死。蓋邪從口鼻而入。故傳染之迅速如此。當為暴病。無藥救治。貽害匪淺。此方屢試屢驗。無不即愈。

一感受寒暑。發痧肚痛。頭眩眼黑。受病尚輕者。用叁丸放舌上。閉口。俟舌見微麻。用冷水或涼茶送下。即愈。

一中暑中寒。觸犯瘴穢。驟然腹痛。頭眩眼黑。飽脹惡心。霍亂吐瀉。手足厥冷。或嘔吐不出。絞腸腹痛。猝然昏倒。不省人事。指甲青黑。刺無血出。其受病甚重者。用六丸研細末。吹入鼻中。用六丸放舌上。少頃。用冷水或冷茶送下。即愈。若未愈。再用叁丸。研碎服之。倘昏迷難服。用冷茶化開。灌下。即愈。



(五一)靈寶如意丹

(3/2)

一夏月途次。口含叁兩丸。能消山嵐瘴氣。並暑氣不侵。攜帶在旅店闡場時。用爐火焚燒數丸。能辟一切穢氣。

一感冒風寒。惡心頭痛。胸腹飽脹。及風痰等症。以叁丸放舌上。俟舌微麻。吞下即愈。

一胃口疼痛。心腹膨脹。噎食隔食各症。每用叁丸放舌上。俟舌微麻。吞下即愈。

一小兒偶患驚風。牙關緊閉。不能服藥者。以六丸研細。吹入鼻中取嚏。得汗。隨以叁丸研細。溫水調灌。即愈。小兒三歲者。服貳丸。或將丸研細。擦在乳上。隨乳送下。亦妙。

一遇自縊之人。勿割斷繩。輕輕解下。即以數丸研細。吹鼻。並急以手裹衣物。塞緊穀道。掀髮向上。揉其項痕。捻圓喉管。頻頻搖動其手足。倘心尚溫者。可冀復生。



(五一)靈寶如意丹

(3/3)

一凡跌死。打死。驚死。魘魅死。氣閉死。及痰厥。冷厥。等症。尚有微氣者。以數丸研細。灌下即活。

茅朮叁錢 米泔浸透。切片焙乾。

丁香陸錢

真蟾酥玖錢

甘草貳兩肆錢 去皮微炒

雄黃叁兩陸錢 水飛

明天麻叁兩陸錢 切片焙乾


生大黃陸兩 切片焙乾

麻黃叁兩陸錢 去節細剉

麝香叁錢

硃砂叁兩陸錢 水飛研

右藥共研細末。水疊為丸。如蘿蔔子大。再用硃砂為衣。磁瓶收貯。勿使洩氣。



(五二)玉樞丹

又名紫金錠

(3/1)

專治暴中雜氣。昏暈欲倒。霍亂吐瀉。攪腸痧。青筋脹。心腹痛脹。諸般危症。並一切山嵐瘴氣。水土不服。解諸毒。療諸瘡。利關竅。醫百病。奇效不可殫述。

山茨菇貳兩 洗去皮毛焙

五倍子貳兩 製淨搗破焙

紅芽大戟壹兩半 去淨骨焙

明雄黃叁錢

淨硃砂叁錢

千金子又名續隨子壹兩用鮮者去殼去油

射香叁錢 揀淨皮毛

右七味。稱准。合研勻於石臼內。漸加糯米濃湯。調和得宜。杵千餘下。以光潤為度。每錠重壹錢。每服壹錠。病重者。連服貳錠。取通利後。以溫粥補之。



(五二)玉樞丹

(3/2)


一治一切飲食藥毒。蠱毒。及喫自死牛馬豬羊等肉。或食菌中毒。並山嵐瘴氣。烟霧惡毒等症。昏亂猝倒。或生異形之狀。悉用涼水磨服。

一治陰陽二毒。瘟疫痧脹。或狂言亂語。或胸腹腫痛。並喉痺咽腫。俱用薄荷湯。待冷磨服。

一癰疽發背。對口天泡。無名腫毒。蛀節紅絲等疔。諸惡毒瘡。諸風癰疹。久痔紅腫。及楊梅結毒。俱用無灰酒磨服。外用涼水磨塗。日夜數次。覺癢即消。潰爛者、亦減愈。

一治男婦急病癡邪。奔走叫號。失心狂亂。羊癲豬癲等瘋。俱用石菖蒲湯磨服。

一治心胃痛。及諸般氣痛。及諸般血痛。並赤白痢。泄瀉急痛。霍亂絞腸之類。俱用姜湯磨服。



(五二)玉樞丹

(3/3)

一治中氣。中風。中痰。口眼歪邪。牙關緊急。語言蹇澀。筋脈攣縮。骨節風腫。遍身疼痛。行步艱難等證。用酒磨。頓熱服之。

一治風犬。毒蛇。澗溪諸蟲傷人。及注徧身。毒氣入裏。命在旦夕。俱用酒磨服。外以水磨塗之。再服葱湯。汗出愈。

一治年深日久。頭脹頭痛。偏正頭風。及溫病後。毒氣攻注。腦門作脹者。俱用葱酒磨服。仍磨塗太陽穴上。

一治小兒急驚風。五疳。五痢。黃疸。但用薄荷湯磨。加蜜調服。

一治小兒遺毒。生下百日內。皮塌肉爛。穀道眼框損者。涼水磨服。並磨塗。



(五三)大士膏

(5/1)

治內外諸疾。或服或貼詳後。

大黃壹兩	甘遂貳兩	羌活捌錢	細辛柒錢	杏仁柒錢研
蛇脫伍錢	大戟捌錢	厚朴柒錢	枳實捌錢	莞花柒錢
獨活柒錢	蜈蚣拾錢	麻黃捌錢	檳榔柒錢	黃柏捌錢
巴豆捌錢	桃仁柒錢研	莪朮壹兩	白芷捌錢	元參柒錢
防風柒錢	全蠍柒錢	川烏壹兩	花粉柒錢	肉桂捌錢
甲片柒錢	草烏柒錢	黃連伍錢	當歸壹兩伍錢	
角刺捌錢	大生地壹兩	京三稜壹兩		
五倍子柒錢	木鱉子壹兩	香附子柒錢		

[⁺⁺卑]麻子貳兩研 蜜陀僧肆錢 後入 淨黃丹叁拾陸兩 後入水飛

右藥。用麻油壹百貳拾捌兩。淨浸缸內。春五、夏三、秋七、冬十。然後入鍋。煎至藥枯。用麻布濾去渣。再熬至滴水成珠。加入蜜陀僧、黃丹、二味。攪極勻。傾入冷水中。隨時攤貼。



(五三)大士膏

(5/2)

一徧正頭風。左患貼左。右患貼右。正患貼印堂間。兼捲條塞鼻孔中。

一眼科七十二症。瞳症。將耳上邊角。針刺出血。貼之。星障翳膜。臉毛倒睫。迎風流淚等症。左患塞左鼻孔。右患塞右鼻孔

一咽喉三十六症。單蛾雙蛾。喉閉喉風。貼喉上。若要速效。將膏口含化下。

一牙痛貼上即止。

一諸般腸痛。胃口痛。丹田痛。俱貼痛處。

一中風癱瘓。左患貼左。右患貼右。倘不省人事。痰聲如鋸。作丸清湯送下。其痰立止。若牙關緊閉。用鐵筋挖開。將藥化開用水灌下。或再捲條塞入鼻孔中。真有起死回生之功。



(五三)大士膏

(5/3)

一癆瘵。貼夾脊穴。尾閭穴。肚臍口。七日癆蟲盡死。咳嗽吐痰。貼前後心。仍服清降補藥。此膏能攻病。不能補虛。不可吞服膏滋。

一臆脹。水臆。氣臆。血臆。俱貼臍下丹田。

一噎膈。氣膈。食膈。俱貼胃口肚臍。如氣塞在喉。口咽不下。即貼喉外。如要速好。作丸吞之。

一哮喘咳嗽諸症。皆貼前後心。如氣塞不通。或作條塞鼻孔。或作丸吞服。

一大小便閉。俱貼肚臍。自通。如數日不通。危在旦夕。作丸送下。小腹用葱汁、甘草汁、調敷。立下。

一傷寒時疫。貼肚臍。飲酒一盞。汗出即愈。如五六日不下。作丸吞服。便解而愈矣。



(五三)大士膏

(5/4)

一瘡疾。一日、二日、三日。皆貼肚臍。如發四五次者作丸。早一時服。即飲熱酒數杯。即止。

一婦女赤白帶下。肚臍下丹田。

一各種痢疾。俱貼胃口。肚臍。如四五日不愈。紅者、用圓眼殼核七個。打碎煎湯。送丸下。白者、荔枝殼核七個。打碎煎湯。送丸下。紅白兼者。用圓眼殼核七個。荔枝殼核七個。煎湯送丸下。

一婦人難產。逆生。胞衣不下。作丸。熱酒送下。立刻產下。產門、小腹、煎甘草水頻洗。

一小兒驚風。目翻上。氣喘。痰塞不通。作條塞鼻孔。貼一膏於肚臍間。如危急。作丸服之。

一小兒諸疳疾。貼肚臍上。



(五三)大士膏

(5/5)

一婦人經閉不通。貼丹田下。如病久。作丸服之。小腹上用甘草水調葱汁塗之。

一血塊痞積。貼肚臍上。並貼痞上。人健壯者。作丸日服。便泄即愈。

一疔瘡。內服外貼。背疽。各癰。癰毒。貼患處。腸癰作丸服。兼貼肺俞穴。

一[疔兼]瘡。腳氣。攤膏反貼。針刺多孔。使藥性得入。外蓋以紙。用帶[糸專]定。一日洗換至十次即愈。

一大便腸風下血。夢遺白濁。俱貼肚臍。

一痔漏。內痔、捲條插入。外痔、用膏藥貼之。

一跌打損傷。貼患處。即愈。


凡外貼此膏者。須服生甘草湯。服此膏者。不可飲甘草湯。萬弗自誤。



(五四)截瘧方

蛇退 雄黃各少許

以棉花包裹。用線纏緊。於發病前二小時。塞兩鼻孔內。忌飲水。過時取出。即愈。



(五五)清魂散

澤蘭葉貳錢半

炒荊芥壹兩

人參貳錢半 或用黨參伍錢

川芎伍分

右為末。溫酒開水各半杯。調壹錢。急灌之。下咽即開眼。氣定。省人事。

專治產後。氣血暴虛。未得安靜。血隨氣上。迷亂心神。故眼前生花。極甚者。令人悶絕。不知人事。口噤。神昏。氣冷。醫者不識。往往認之為產後風。

按產後風。四肢抽搐。咬牙握拳。目瞪寒戰者。往往誤認風症。多數不起。總之輕魂散。施之風症。亦可獲愈。惟多服一二次。亦可得安。每小時服一次。